

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 494441 25 St
Tuzla, 08.10.2025. godine

Općinski sud u Tuzli, sudija Antonela Đaković kao stečajni sudija, u postupku prethodnog ispitivanja prijedloga za otvaranje stečajnog postupka nad imovinom dužnika „Koksara“ d.o.o. Lukavac za proizvodnju koksa, hemijskih proizvoda i energije (raniji naziv: GLOBAL ISPAT KOKSNA INDUSTRIJA d.o.o. Lukavac za proizvodnju koksa, hemijskih proizvoda i energije), ul. Željeznička broj 1, dana 08.10.2025.godine, donio je

R J E Š E N J E

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom dužnika „Koksara“ d.o.o. Lukavac za proizvodnju koksa, hemijskih proizvoda i energije (raniji naziv: GLOBAL ISPAT KOKSNA INDUSTRIJA d.o.o. Lukavac za proizvodnju koksa, hemijskih proizvoda i energije), ul. Željeznička broj 1, MBS: 1-12685, JIB: 4209477990003.

Za privremenog stečajnog upravnika imenuje se Almir Bajrić iz Tuzle, ul. Aleja Alije Izetbegovića br. 3B.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju FBiH (Službene novine FBiH br. 53/21), a naročito:

- obezbijediti imovinu dužnika i starati se o istoj,
- ima ovlašćenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka
- uraditi kontrolu poslovanja stečajnog dužnika
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u predhodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama FBiH“, web stranici Općinskog suda u Tuzli i na Internet stranici FIA-e te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Lukavcu i Službi za geodetske i imovinsko-pravne poslove Grada Lukavac, radi upisa zabilježbe otvaranja prethodnog stečajnog postupka.

O b r a z l o ž e n j e

„Koksara“d.o.o. Lukavac za proizvodnju koksa, hemijskih proizvoda i energije, ul. Željeznička broj 1, kao dužnik, putem zastupnika po zakonu-generalnog direktora podnio je dana 29.09.2025.godine ovom sudu prijedlog za otvaranje stečajnog postupka nad navedenim privrednim subjektom, zbog prijeteće platežne nesposobnosti dužnika, odnosno iz razloga jer nije u stanju izvršavati svoje dospjele i potraživane obaveze plaćanja u dužem vremenskom periodu.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagača u smislu odredbe člana 58. stav 1. i 2. Zakona o stečaju („Sl. novine F BiH“, br.53/2021. u daljem tekstu Zakon o stečaju) i da je isti dopušten, dana 07.10.2025. godine, naložio je predlagaču da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka.

Predlagač je dana 07.10.2025. godine dostavio sudu dokaz o uplati predujmljenih sredstava za finansiranje prethodnog postupka u iznosu od 50.000,00 KM.

Na osnovu priložene dokumentacije i to: Prijedlog za pokretanje stečajnog postupka od 29.09.2025.godine, Odluku o pokretanju stečajnog postupka i podnošenju zahtjeva za pokretanje stečajnog postupka nad Koksara d.o.o. Lukavac broj: 10239-09-03/25 od 29.09.2025. godine, Aktuelni izvod iz registra od 10.09.2025.godine, Istorijat podataka iz sudskog registra od 02.10.2025. godine (osnivanje, promjene osnivača društva, naziva i imena društva, kapitala i slično), PS P3. Izvještaj Centralne banke Bosne i Hercegovine o računima poslovnog subjekta na dan 26.09.2025. godine, PS P3. Izvještaj Centralne banke Bosne i Hercegovine o računima poslovnog subjekta na dan 26.09.2025. godine (sa obavještenjima o blokadi računa od 01.10.2025. godine ASA banka d.d., Union banka d.d., Intesa SanPaolo bank d.d.), Rješenje Porezne uprave, Kantonalni porezni ured u Tuzli o pokretanju postupka prinudne naplate broj: 13-3-01-12-26-25-01429-1-30 od 26.08.2025. godine uz propratni akt, Rješenje Porezne uprave, Kantonalni porezni ured u Tuzli o pokretanju postupka prinudne naplate broj: 13-3-01-12-26-25-01544-1-30 od 17.09.2025. godine uz propratni akt, Uvjerjenje Porezne uprave, Kantonalni porezni ured u Tuzli, Porezna ispostava Lukavac broj: 13-3/6-12-5-6569/25 od 11.09.2025. godine na iznos od 5.379.830,19 KM, Uvjerjenje UIO RC Tuzla broj: 02/6/IV-16-11-21-7522-2/25 od 04.09.2025. godine o izmirenim obavezama na dan 04.09.2025. godine, Rješenje o izvršenju Općinskog suda u Lukavcu broj: 126 0 Ip 166950 14 Ip od 30.10.2017. godine na iznos od 66.372.440,00 KM, Rješenje o odlaganju izvršenja broj: 126 0 Ip 166950 14

Ip od 08.10.2024. godine po Rješenju o izvršenju Općinskog suda u Lukavcu broj: 126 0 Ip 166950 14 Ip od 30.10.2017. godine do 30.09.2025. godine, Rješenje o odlaganju izvršenja broj: 126 0 Ip 166934 14 Ip od 08.11.2024. godine po Rješenju o izvršenju Općinskog suda u Lukavcu broj: 126 0 Ip 166934 14 Ip od 18.09.2017. godine do 30.09.2025. godine, Bruto bilans za period od 01.01.2025. do 31.08.2025. godine, Bilans stanja na dan 31.12.2024.godine, Bilans uspjeha za period od 01.01.2024. godine do 31.12.2024. godine, Izvještaj o promjenama na kapitalu od 01.01.2024. godine do 31.12.2024. godine, Izvještaj o obračunatom i uplaćenom posebnom porezu/naknadi za zaštitu od prirodnih i drugih nesreća od 28.02.2025. godine, Obavijest o razvrstavanju na osnovu finansijskih izvještaja za period od 01.01.2024. godine do 31.12.2024. godine, Izjava o primijenjenom standardu finansijskog izvještavanja od 28.02.2025. godine, Odluka o prijedlogu za pokriće gubitka broj: 12/2024 28.02.2025. godine, Odluka o utvrđivanju finansijskih izvještaja broj 12/2024 od 28.02.2025. godine, Obračun članarine 28.02.2025.godine, Obračun članarine komorskom sistemu za period od 01.01.2024 do 31.12.2024. godine, Obračun naknade za korištenje, zaštitu i unapređenje šuma za period od 01.01.2024 do 31.12.2024. godine, Izvještaj o obračunatim i uplaćenim vodnim naknadama za period od 01.01.2024 do 31.12.2024. godine, ZK izvadci broj: 1451 i 1452, oba KO SP_Bokavići, ZK uložak broj 2336 i 3450 oba KO SP_Lukavac, ZK uložak broj: 1 KO Lukavac, ZK uložak broj: 4826 KO Lukavac, ZK uložak broj: 4880 KO Lukavac, ZK uložak broj: 5035 KO Lukavac, ZK uložak broj: 2436 KO Lukavac, ZK uložak broj:2943 KO Lukavac (Poslovna zgrada u privredi i zemljište)., ZK uložak broj: 488 KO Lukavac, ZK uložak broj: 593 KO Lukavac, ZK uložak broj: 1791 KO Lukavac, ZK uložak broj:3475 KO Lukavac, na skoro svim ZK izvadcima upisan teret u C teretnim listovima (u korist Porezne uprave, ASA banke, Moorgate LTD UK i Erdal LTD Malta), i uplate predujma od 4.000,00 KM, predlagač je učinio vjerovatnim platežnu nesposobnost.

Na ročište za saslušanje predlagača stečajnog dužnika održanom dana 07.10.2025. godine pristupio je generalni direktor Jasmin Ovčina i izvršni direktor za ekonomsko finansijske poslove Osman Abadžić, oba ovlaštena za zastupanje predlagača, te je na istom zastupnik predlagača, generalni direktor izjavio da ostaje kod prijedloga za otvaranje stečajnog postupka, kao i svih navoda iznesenih u prijedlogu od 29.09.2025. godine, a razlog za pokretanje prijedloga je prijeteća platežna nesposobnost koja iz dana u dana prelazi i u platežnu nesposobnost jer je došlo do blokade računa od strane Tehnopetrol doo Tuzla, po treći put radi neizmirenih potraživanja prema navedenom povjeritelju na osnovu mjenice. Najveći povjeritelj je Moorgate LTD UK na iznos od cca 203 miliona KM i cca 66 miliona KM bez kamata od strane kojih je pokrenut izvršni postupak, te svakog momenta se može desiti blokada nekog od transakcijskih računa ili svih računa. Što se tiče ukupnih obaveza društva one iznose cca 450 miliona KM, a koje se odnose na obaveze javnih prihoda, dobavljači, kreditne obaveze. Nadalje je izjavio da što se tiče imovine nominalna vrijednost iste iznosi 469 miliona KM po privremenom bilansu stanja od 31.08.2025. godine, a odnosi se na nekretnine: zemljište, građevinski objekti, sve upisano u ZK uložak broj: 1451 i 1452, oba KO SP_Bokavići, ZK uložak broj 2336 i 3450 oba KO SP_Lukavac, ZK uložak broj: 1 KO Lukavac, ZK uložak broj: 4826 KO Lukavac, ZK uložak broj: 4880 KO Lukavac, ZK uložak broj: 5035 KO Lukavac, ZK uložak broj: 2436 KO Lukavac, ZK uložak broj:2943 KO Lukavac (Poslovna zgrada u privredi i zemljište)., ZK uložak broj: 488 KO Lukavac, ZK uložak broj: 593 KO Lukavac, ZK uložak broj: 1791 KO Lukavac, ZK uložak broj:3475 KO Lukavac, na skoro svim ZK izvadcima upisan teret u C teretnim listovima (u korist Porezne uprave, ASA banke, Moorgate LTD UK i Erdal LTD Malta). Od pokretnih stvari društvo posjeduje-stalna sredstva, transportna sredstva, amortizovane pokretne stvari, postrojenja.

Iz izjave izvršnog direktora za ekonomsko finansijske poslove datog na ročištu slijedi da je na osnovu tekućih izvještaja da je prisutna platežna nesposobnost koja rezultira stalnim rastom obaveza, da se produciraju poslovni gubitci u periodičnim izvještajima, primjerice za mjesec septembar cca 2 miliona EURA ostvaren gubitak, odnosno 4 miliona KM, da je isti iznos gubitka predviđen poslovnim planom za oktobar koji još nije usvojen, ali je u radnoj verziji što opredjeljuje upravne organe dužnika na djelovanje u pravcu zaštite prava povjerilaca i ispunjavanja zakonskih uslova za pokretanje stečaja, iako sa vizijom da je moguće pokrenuti plan restrukturiranja odnosno plan rada u uslovima stečaja koji bi bio predmetom dalje procedure. Trenutno društvo ima uposlenih 788 radnika, od čega je 96 na ugovorima na određeno vrijeme, a ostali su uposleni na neodređeno vrijeme, također u društvu su uposleni i invalidi rada, njih otprilike cca 50. Neto plaće trenutno svim uposlenim zaključno sa avgustom 2025. godine su isplaćene i topli obrok, a pripadajući porezi i doprinosi su u zakašnjenju sa plaćanjem od marta 2025. godine, a u toku je postupak potpisivanja sporazuma vezano za plaćanje navedenih obaveza u ratama sa Poreskom upravom, ali je neizvjesna mogućnost poštivanja tog sporazuma s obzirom na buduće projekcije poslovanja.

Iz svega navedenog proizilazi da društvo nije u mogućnosti izvršavati svoje dospjele obaveza od momenta dospijea u neprekidnom trajanju dužem od 60 dana od dana nastanka obaveze. Konačno stanje u pogledu eventualno drugih obaveza bi se moglo utvrditi u slučaju određivanja privremenog stečajnog upravnika koji bi sudu dostavio izvještaj o poslovnom stanju kod predlagača sa izjašnjenjem o uslovima za otvaranje stečaja.

Na osnovu podnesene dokumentacije i izjava zakonskih zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju (Službene novine FBiH broj: 53/21).

Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju (stečajni upravnik je dana 07.10.2025. godine u spis sud adostavio izjavu da nema smetnji za njegovo imenovanje u smisli člana 71. stav 2 i člana 76. Zakona o stečaju (Službene novine FBiH broj: 53/21).

Na osnovu navedenog, temeljem citiranih odredbi zakona, sud je odlučio kao u izreci rješenja.

Stečajni sudija
Antonela Đaković

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog Suda.